

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj: 71/18-lot 5

Sarajevo, 11.01. 2019. godine

Na osnovu člana 69. stav (2) tačka d) i člana 70. stav 1. 3. i 6. Zakona o javnim nabavkama (Sl. glasnik BiH br. 39/14)), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj 71/18 –lot 5 od 26.12.2018. godine, u postupku javne nabavke br. 71/18-lot 5 „**Bunarski pumpni agregati za bunar AB – Izvorište Bačevo; P.S. Hrasno – pravac pumpanja R. Skenderija; P.S. Hrasno – pravac pumpanja R. Lukavac**“, donosi se :

O D L U K A

o poništenju postupka javne nabavke

Član 1.

Poništava se postupak javne nabavke broj 71/18-lot 5 za nabavku roba: „**Bunarski pumpni agregati za bunar AB – Izvorište Bačevo; P.S. Hrasno – pravac pumpanja R. Skenderija; P.S. Hrasno – pravac pumpanja R. Lukavac**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav (2) tačka d) Zakona o javnim nabavkama.

Član 2.

Ova odluka objavit će se na web stanici: www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 71/18 od 07.06.2018. godine.

Javna nabavka je provedena putem otvorenog postupka nabavke.

Procijenjena vrijednost javne nabavke za lot 5 bez PDV-a iznosi : 170.000,00 KM.

Obavještenje o nabavci broj 247-1-1-142-3-221/18 objavljeno je na Portalu javnih nabavki dana 11.06.2018. godine, a sažetak obavještenja o nabavci je objavljen u Sl. glasniku BiH broj 40. od 15.06.2018.godine.

Komisija za javne nabavke je imenovana Rješenjem br. 18-12-01/17 od 18.12.2017 godine, Rješenjem br. 23-02-01/18 od 23.02.2018.godine godine i dodatni članovi komisije imenovani dopunskim Rješenjem br. 71/18-1 od 07.06.2018.godine.

Za predmetnu javnu nabavku dostavljene su četiri (4) ponude ponuđača:

1. Ponuđač; „HIDRO TERMO CENTAR“ d.o.o. Sarajevo,
2. Ponuđač; D.o.o. „ENECO-EKOLOŠKI SISTEMI“ Bijeljina,
3. Ponuđač; „ECOS“ d.o.o. Vitez,
4. Ponuđač; „ETAL BH“ d.o.o. Sarajevo.

Navedeni ponuđači su preuzeli tendersku dokumentaciju sa portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku. Nakon izvršenog otvaranja ponuda Komisija za javne nabavke je dana: 31.07.2018. godine pristupila pregledu i ocjeni pristiglih ponuda u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponuda, dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji, pregleda ostale zahtjevano dokumentacije, aneksa-priloga i pregleda ponuda sa aspekta postavljenih tehničkih zahtjeva u pogledu opisa predmeta nabavke i tehničke specifikacije o čemu je dana: 17.08.2018. godine sačinila Zapisnik o pregledu i ocjeni ponuda i Preporuku o izboru najpovoljnijeg ponuđača. Na osnovu preporuke Komisije za javne nabavke, Ugovorni organ je dana 27.09.2018. godine donio Odluku o izboru najpovoljnijeg ponuđača broj: 71/18-lot 5, kojom je za najpovoljnijeg ponuđača odbran ponuđač: „Hidro-Termo Centar“ d.o.o. Sarajevo.

Na odluku o izboru najpovoljnijeg ponuđača uložena je žalba od ponuđača: „ETAL BH“ d.o.o. Sarajevo. Rješenjem Ureda za razmatranje žalbi BiH broj: JH2-01-07-1-593-9/18 od 04.12.2018. godine, žalba je usvojena kao osnovana, poništen je akt ugovornog organa – Odluka o izboru najpovoljnijeg ponuđača broj: 71/18-lot 5 od 27.09.2018. godine, te predmet vraćen ugovornom organu na ponovni postupak.

Postupajući prema navedenom Rješenju URŽ-a, Komisija za javne nabavke je izvršila ponovni pregled i ocjenu dostavljenih ponuda, te konstatovala slijedeće:

Komisija je utvrdila da dostavljene ponude ponuđača „Hidro-Termo-Centar“ d.o.o. Sarajevo, „Eneco Ekološki sistemi“ d.o.o. Bijeljina, „Ecos“ d.o.o. Vitez i „Etal BH“ d.o.o. Sarajevo ispunjavaju zahtjevano tenderske uslove prema obliku i potpunosti u smislu pripreme ponuda.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R.br.	Zahtjevana kvalifikaciona dokumentacija	Hidro-Termo-Centar“ d.o.o. Sarajevo	„Eneco Ekološki sistemi“ d.o.o. Bijeljina	„Ecos“ d.o.o. Vitez	„Etal BH“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav	DA	DA	Ponuđač u dostavljenoj izjavi iz	DA

R.br.	Zahtjevana kvalifikaciona dokumentacija	Hidro-Termo-Centar“ d.o.o. Sarajevo	„Eneco Ekološki sistemi“ d.o.o. Bijeljina	„Ecos“ d.o.o. Vitez	„Etal BH“ d.o.o. Sarajevo
	(1) tačka od a) do d) Zakona o javnim nabavkama – Aneks IV; Prilog 4.			čl.45 nije upisao broj i naziv postupka što je bio obavezan učiniti čime nije ispunjen uslov iz TD.	
2.	Tačka: 14.1 TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5.	DA	DA	Ponuđač u dostavljenom j izjavi iz čl.47 nije upisao broj i naziv postupka što je bio obavezan učiniti čime nije ispunjen uslov iz TD.	DA
2.1	Tačka: 14.1 TD: pod a) Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude.	DA	DA	DA	DA
3.	Tačka: 14.3 TD: pod a) Original ili ovjerenu fotokopiju Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent	DA	DA	DA	DA

R.br.	Zahtjevana kvalifikaciona dokumentacija	Hidro-Termo-Centar“ d.o.o. Sarajevo	„Eneco Ekološki sistemi“ d.o.o. Bijeljina	„Ecos“ d.o.o. Vitez	„Etal BH“ d.o.o. Sarajevo
	odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.				

Komisija je konstatovala da ponuđač „Ecos“ d.o.o. Vitez u dostavljenoj Izjavi o ispunjenosti uslova iz člana 45. stav (1) tačkaka od a) do d) Zakona o javnim nabavkama – Aneks IV; Prilog 4., i Izjavi o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5., nije upisao broj i naziv postupka za koji su izjave date. Konstatovano je da u zaglavlju Izjave o ispunjenosti uslova iz člana 45. stav (1) tačkaka od a) do d) Zakona o javnim nabavkama – Aneks IV; Prilog 4., i Izjave o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5., nisu popunjeni podaci koji se odnose na predmet nabavke i naziv Ugovornog organa, zbog čega Komisija konstatuje da ne postoji dovoljno podataka na osnovu kojih se može utvrditi da se navedene izjave odnose na predmetni postupak nabavke, te se navedeno odstupanje ne može smatrati manjim odstupanjem koje ne utiče na valjanost ponude, čime nisu ispunjeni uslovi iz tačke **17.1 TD Način izrade ponude** gdje je jasno navedeno da ponuđači pripremaju ponudu u skladu sa uputstvima i zahtjevima iz tenderske dokumentacije.

Obzirom na navedeno, konstatovano je da ponuda ponuđača „Ecos“ d.o.o. Vitez ne ispunjava zahtjeve ugovornog organa koji su traženi tenderskom dokumentacijom, zbog čega se ponuda ovog ponuđača odbacuje kao neprihvatljiva a sve u skladu sa odredbama člana 68. stav (4), tačka i) Zakona o javnim nabavkama.

Komisija konstatuje da ponuđači „Hidro-Termo-Centar“ d.o.o. Sarajevo, „Eneco Ekološki sistemi“ d.o.o. Bijeljina i „Etal BH“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

R.br.	Ostala zahtjevana dokumentacija/aneksi-prilozi	Hidro-Termo-Centar“ d.o.o. Sarajevo	„Eneco Ekološki sistemi“ d.o.o. Bijeljina	„Etal BH“ d.o.o. Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 6.	DA	DA	DA
2.	Tačka: 16 TD: Obrazac za ponudu – Aneks II; Prilog 1.	DA	DA	DA
2.1	Tačka: 16 TD: Popis dokumenata uz ponudu koji čini sadržaj ponude – Aneks II; Prilog 1	DA	DA	DA
3.	Tačka: 16 TD: pod brojem 3. Obrazac za obim isporuke – Prilog 3.	DA	Ponuđač Obrazcu za obim isporuke nije popunio u skladu sa zahtjevima iz tenderske dokumentacije	DA
4.	Tačka: 16 TD: pod brojem 9. Ostalo traženo u tenderskoj dokumentaciji: Ponuda treba da sadrži tehničku dokumentaciju koja sadrži slijedeće: - detaljne hidrauličke karakteristike, Q-H, Q-η, Q-NPSH, Q-N - pregled ugrađenih materijala osnovnih elemenata pumpe - ugradbene mjere pumpnog agregata	Nije u skladu sa zahtjevima iz TD	DA	Nije u skladu sa zahtjevima iz TD
5.	Tačka: 20 TD: Obrazac za cijenu ponude – Aneks III; Prilog 2	DA	Ponuđač je u Obrazcu uradio ispravku koja nije izvršena u skladu sa zahtjevima iz tenderske dokumentacije	DA
7.	Tačka: 31 i 36 TD: Nacrt ugovora o javnoj nabavci – Prilog 8.	DA	Ponuđač u dostavljenom Nacrtu	DA

R.br.	Ostala zahtjevana dokumentacija/aneksi-prilozi	Hidro-Termo-Centar“ d.o.o. Sarajevo	„Eneco Ekološki sistemi“ d.o.o. Bijeljina	„Etal BH“ d.o.o. Sarajevo
			ugovora o javnoj nabavci nije popunio član 2. a što je bio obavezan učiniti.	
8.	Tačka: 43 TD: Povjerljive informacije – Prilog 7.	DA	DA	DA

Pregledom ponude ponuđača „Eneco Ekološki sistemi“ d.o.o. Bijeljina konstatovano je da je ponuđač „Eneco Ekološki sistemi“ d.o.o. Bijeljina u dostavljenom Obrazcu za cijenu ponude - Aneks III; Prilog 2., na strani broj 8. ponude, pod rednim brojem 3. „Bunarski pumpni agregat za P.S.Hrasno-pravac pumpanja R.Lukavac“ u koloni broj 6. „kataloška oznaka“ uradio ispravku na način da je broj koji je bio napisan prepravio u broj 8., izvršenu ispravku nije potvrdio potpisom i nema datuma kada je ispravka izvršena. Konstatovano je da izvršena ispravka nije urađena u skladu sa tačkom **17.1.5 tenderske dokumentacije „Ispravke u ponudi“** gdje je naveden način vršenja ispravki i to **Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke**, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).

Dalje je konstatovano da ponuđač „Eneco Ekološki sistemi“ d.o.o. Bijeljina „Obrazac za obim isporuke“ - Prilog 3, koji se nalazi na strani broj 9. ponude nije popunio sa traženim podacima i to:

-pod rednim brojem 3. gdje je traženo „Tip, model i dimenzije nepovratnog ventila“ ponuđač nije dao podatke o navedenom, podaci koji su upisani nisu prihvatljivi,

-pod rednim brojem 4. El.kablovi: Proizvođač, tip, model i dimenzije ponuđač upisao dužinu kablova od 0,5 m a traženo je minimalno 4 metra,

U napomeni „Obrasca za obim isporuke“ - Prilog 3. jasno stoji da je ponuđač obavezan popuniti tip i model pumpnog dijela, proizvođač, tip, model i dimenzije el.kablova kao i kolone jedinica i mjere i količina što ponuđač nije učinio.

Komisija je također konstatovala da ponuđač „Eneco Ekološki sistemi“ d.o.o. Bijeljina nije popunio član 2. „Nacrta ugovora o javnoj nabavci“ – Prilog 8. što je bio obavezan da učini čime nisu ispunjeni postavljeni uslovi iz tačke 31. i 36. tenderske dokumentacije gdje je jasno navedeno da je ponuđač obavezan da popuni i parafira svaku stranicu „Ugovora o javnoj nabavci“.

Pregledom ponuda ponuđača „Eneco Ekološki sistemi“ d.o.o. Bijeljina i „Etal BH“ d.o.o. Sarajevo sa aspekta ostalih zahtijevanih uslova iz tenderske dokumentacije (Opis predmeta nabavke – tačka 7. TD i Jezik i pismo ponude – tačka 26. TD) od strane stručnih lica konstatovano je sljedeće:

Ponuda ponuđača „Eneco Ekološki sistemi“ d.o.o. Bijeljina ne zadovoljava tehnički dio iz sljedećih razloga :

- tehnička dokumentacija je data na stranom jeziku bez prevoda ovlaštenog sudskog tumača,
- nisu date tehničke karakteristike za konkretne pumpe nevedene u Obimu isporuke pa se nije mogla napraviti analiza o kvalitetu ponuđene opreme,
- nema podataka za nepovratni ventil za poziciju 1.1,
- nema crteža tlačnog plašta sa dimenzijama za pozicije 1.2 i 1.3.

Ponuda ponuđača „Etal BH“ d.o.o. Sarajevo ne zadovoljava tehnički dio iz sljedećih razloga: U ponudi br:205-18, firme ETAL BH d.o.o Sarajevo na više mjesta se navode različiti termini tako da se ne zna šta je ispravno a šta je ponuđeno:

-Za poziciju 1.2, na strani 29 u tehničkoj dokumentaciji navedena je kolona “pomoćni uređaj” i za istu je navedeno “**Plast za hlađenje**” koji nije popunjen u predviđenom mjestu kako je to definisao žalitelj “yes/no” iako je na engleskom jeziku zbog čega se iz priloženog ne vidi da li se kao takav nudi li ne? Dok na strani 32 ponude firme ETAL BH d.o.o.Sarajevo navodi se termin “**Tlačni plast**” što

-Za poziciju 1.3, na strani 33 u tehničkoj dokumentaciji navedena je kolona “pomoćni uređaj” i za istu je navedeno “**Plast za hlađenje**” koji nije popunjen u predviđenom mjestu kako je to definisao žalitelj “yes/no” iako je na engleskom jeziku zbog čega se iz priloženog ne vidi da li se kao takav nudi li ne? Dok na strani 36 ponude firme ETAL BH d.o.o.Sarajevo navodi se termin “**Tlačni plast**” što konstruktivno i funkcionalno predstavlja dva različita tipa plasta,

-tenderskom dokumentacijom je definisano da ponuda treba da sadrži „crtež i dimenzije tlačnog plasta“ za pozicije 1.2 i 1.3 sa detaljnim opisom karakteristika koje plast treba da zadovoljava, a koje su definisane tenderskom dokumentacijom,

-na strani 32 za poziciju 1.2 dat je crtež i dimenzije plasta, isti je nepotpun obzirom da je u tenderskoj dokumentaciji traženo „rastojanje od ose plasta do kraja stope fiksno 210mm“, dok na crtežu nije definisana niti naznačena ta vrlo bitna dimenzija,

-na strani 36. za poziciju 1.3 dat je crtež i dimenzije plasta, isti je nepotpun obzirom da je u tenderskoj dokumentaciji traženo „rastojanje od ose plasta do kraja stope fiksno 210mm“, dok na crtežu nije definisana niti naznačena ta vrlo bitna dimenzija.

Obzirom na navedeno, konstatovano je da ponude ponuđača „Eneco Ekološki sistemi“ d.o.o. Bijeljina i „Etal BH“ d.o.o. Sarajevo po mišljenju komisije i mišljenju stručnih lica ne ispunjavaju zahtjeve ugovornog organa koji su traženi tenderskom dokumentacijom, zbog čega se ponude ovih ponuđača odbacuju kao neprihvatljive a sve u skladu sa članom 68. stav (4), tačka i) Zakona o javnim nabavkama.

Nakon ponovnog pregleda ponude broj 110-5/18 ponuđača: „Hidro-Termo-Centar“ d.o.o. Sarajevo utvrđeno je da su:

- na strani broj: 36/73 ponude dostavljeni podaci o dimenzijama ponuđenog pumpnog agregata između ostalih i dimezija promjera motora i max. promjer jedinice, ali da dimenzija promjera motora nije jednoznačna sa definisanom dimenzijom ponuđenog pumpnog agregata na strani broj: 57/73 .

- na strani broj: 47/73 ponude dostavljeni podaci o dimenzijama ponuđenog pumpnog agregata između ostalih i dimezija promjera motora i max. promjer jedinice, ali da dimenzija max.promjera jedinice nije jednoznačna sa definisanom dimenzijom ponuđenog pumpnog agregata na strani broj: 58/73 ponude.

Obzirom na navedeno, konstatovano je da ponuda ponuđača „Hidro Termo Centar“ d.o.o. Sarajevo ne ispunjava zahtjeve ugovornog organa koji su traženi tenderskom dokumentacijom, zbog čega se ponuda ovog ponuđača odbacuje kao neprihvatljiva a sve u skladu sa odredbama člana 68. stav (4), tačka i) Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav (2) tačka d) Zakona o javnim nabavkama za poništenje postupka javne nabavke, te dala preporuku Ugovornom organu – ovlaštenom licu ugovornog organa da za predmetnu nabavku roba: „**Bunarski pumpni agregati za bunar AB – Izvorište Bačevo; P.S. Hrasno – pravac pumpanja R. Skenderija; P.S. Hrasno – pravac pumpanja R. Lukavac**“ – tender broj 71/18 Lot 5 donese odluku o poništenju postupka javne nabavke

Iz gore navedenih razloga, primjenom člana 69. stav (2) tačka d) Zakona o javnim nabavkama (Sl. glasnik BiH br. 39/14), donesena je Odluka o poništenju postupka kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđači
- a/a

Mirza
Muzur



Direktor

Azra Muzur
Azra Muzur, dipl.inž.grad.